

寧鄉縣誌

故事編第十先民傳

清



雙江陶氏之典士僕士僕傳十三

陶之典字五微號愴菴蘄水雙江陶氏居二都明翰林院檢討汝
肅子也崇禎時以廩膳生徵入武昌濂溪書院與熊鍾陵伯龍羅
紫蘿人瑞王昊廬李共人講求經史書法清勁清初左良玉兵至
寧鄉奉父逃匿山谷塗相失疑父被擄徑入營乞代父死軍將極
刑索賂泣告以實請徧覓營中見其父死無憾軍將感動得釋歸
後汝肅爲恢復事陷於獄之典復乞代死不獲徒步數千里呼號

寧鄉縣誌

故事編 先民傳十二 清

營救有旨令洪承疇按問遂免於禍承疇以之典有經濟才列薦
剡而府縣舉汝肅隱逸不出亦轉舉之典均辭順治十八年選充
拔貢生明年安親王岳樂至長沙聞之典名招課其子旋隨至京
師考取內閣中書逾年以父老告歸時縣中苦征役而民船木植
檄派動逾千金之典固與巡撫周召南善爲民請命事多止後巡
撫被議朝旨察審巡撫厚幣奉之典冀代白之典曰吾豈以義始
以利終哉返其贄爲申辨縣學生陶承學於張獻忠陷縣時避兵
逃竄殞命湓田衝子煒及從子燿與知縣邱存忠起義殉難千佛
橋幼子炯字無競年僅十一竄鄰縣爲僧之典訪得招歸還其田
爲授室嘗請以劉熙祚祀名宦助董達建章文毅曠祠於沙市又

爲學使高世泰請祀湖南諸郡縣故交吳嘉驥無子之典經紀身

後甚周其篤孝好義蓋天性也卒年八十九子四炘炘煊煊

梁份撰傳炳子士樸字茂懷號曲村康熙中歲貢乾隆七年授武

陵訓導道光中鄧顯鶴訓導寧鄉偶於人家壁上見所書小詩亟

錄入沅湘耆舊集

詩曰邵平瓜地近台廬穀雨乾時偶見
鋤昨夜東風散不在就牀吹落讀殘書

之采字庶常以廩生入太學試吏部授州同名公卿爭相推轂歸

鍵戶讀書先是總督丁思孔以制藝詩賦試南北士湖以南七郡

拔之采第一桃源文志鯨次之志鯨旋入史館每語人曰吾爲南

宮第二人無足喜喜爲諸生時見知於丁制府次寧鄉陶先生後

得稍與韻頗耳年六十卒

舊志通志

寧鄉縣誌

故事編

先民傳十二

清

一

煊字奉長號冷癡別號松門由廩生入太學考授州同充安勤王府教習王士禎徐乾學宋犖韓荃皆一見傾服重然諾廣陵江祥將死以子灝相託煊教誨成立爲納室親迎曰值夫役毆斃人興大獄幾破家弗悔也蜀劉忠嗣因梁份介邂逅訂交暴病謂妻孥曰我死往依陶凶問至卽具丹迎其家人至忠嗣僅一女爲擇壻嫁之所齎甚厚且訪劉氏謀爲承祧其仗義如此詩出入唐宋工書法旁及刑名算術岐黃堪輿之學授安勤王經王事無大小必詢之府有三品護衛官觸罪王怒欲鐫職鞭之煊言於王得釋護衛奉金謝煊變色揮之去卒年七十九兄炘附貢生授州判炘康熙三十六年歲貢以訓導用有孝行弟端字天石號補脩康熙戊

寅拔貢候選教諭兄炆卒子貧不能構一椽讓所分宅居之自結廬於縣西郭之石谿與煊詩酒娛老教督諸子皆知名當世卒年八十三煊長子士儀字達吉諸生母張病劇兩次割股以進母病尋愈愛異母弟亦讓田宅

舊志 通志 陶士儀撰
端行述 梁份懷葛堂集

士儀字倫宰號嵇山端次子康熙癸巳恩科舉於鄉雍正元年癸卯恩科進士選翰林院庶吉士寧鄉入清七十餘年進士翰林自士儀始散館以知縣用大學士桐城張廷玉以品行端方學問淹貫奏薦特授江蘇鎮洋縣鎮洋近海適水滌士儀亟請蠲賑並詳減火耗火耗者田賦納折色銀兩帶征鎔鑄損失鎮洋弊滋甚得士儀更新章民稱便旋署太倉州改除安徽石埭縣歷署懷寧合

寧鄉縣志

故事編 先民傳十三 清

三

肥在官習勤法陶侃運甓因署其齋曰運甓軒三充江南文武鄉試同考官以卓異引見得旨錫朝衣一襲擢知和州尋陞廣西太平知府乾隆十二年丁卯遷湖北漢陽府充庚午鄉試內監試官守漢四年軍民安輯十六年辛未湖北布政司嚴瑞龍總督永興以貪婪敗檢劾巡撫唐綏祖其婪索邱鑑賊銀鉅萬一款有授意士儀向邱鑑派捐語朝旨下綏祖拏問竝籍沒士儀亦被羈旋上命河南巡撫鄂容泰會繼任湖廣總督阿里衮研鞫士儀屢到簿事雪部議永興瑞龍皆反坐綏祖得釋士儀復原官

士儀守漢四載四民稍安其愚直上官亦謬爲期許今年春忽以蜚語陷誣被劾朝命下中丞唐公於獄籍其家橐篋漢陽武昌知府及宜昌郡丞職令制府內大臣推鞠之株連者數十家士儀羈守僧樓三月屢經對簿爾時鉅網布散會城附炎趨利直如黑氣滿

船安得婁公可藉檣蔭無何構譽者自以賄敗士僕得申辨枉屈
迺分別奏陳其事上釋中丞罪還所籍財產同患之人或遂廢棄
或置重典士僕獨以無罪復職舉臣聞命感與泣交因歷歷記前
事漫成俚語音雖而節似非獨痛定思痛兼以寓目懲頑當座右
之銘云辛未閏五再遷河南南陽府以道員陞用未幾解組歸薨
月小暑後三日

兢以孝友禮義化鄉族好吟詠鄧顯鶴稱其詩與弟士儂齊名卒

年八十子文鉉字遠亭廩生乾隆庚午科副貢署高臺縣知縣

東華續錄 陶氏
諸沈和者舊集

士儂字中少號毅齋熈子爲文浩瀚精湛年十七補縣學生員雍正
元年癸卯舉人丁未會試以明通榜授崇仁知縣初試爲吏老
成詳慎而勇於義前官被劾虧帑數千金同僚皆囁於功令請揭
出圖自免士儂毅然分其累鄰邑樂安以江南探穀激民變糾眾

寧鄉縣志

故事編 先民傳十三 清

刦奪逐員役上官不察以兵捕之過崇仁士儂請謁曰此特無知
愚民交相煽惑耳急則負隅益固矣請按兵遂單騎往諭陳說利
害眾皆散而所購倉穀悉聽裝運縣有執役督署者歲終假歸要
挾郡縣妄關說士儂曰若輩之敢於爲此者皆向時貪墨有以成
之按法以治或言當請而後行毋觸上官怒竟不顧後指事實告
獲嘉獎崇俗好殺牛士儂嚴禁之偶公出有地保持牛骨報云得
之某池士儂審視非牛骨也大驚池邊令從役澗水有石磨壓
人骨一具益疑之夜宿道旁茅庵庵居一老僧甚衰憊有小室久
封閉積塵網士儂居之終夜審察於牀下得半磨與池磨合召僧
一鞠而服蓋三年前爭舍殺其同寺僧也人頌神明旋兼攝臨川

金谿事壬子秋調上饒已卸篆適崇仁蛟水暴漲田廬多漂沒災民盈塗新令某擬俟陳請以振士儂曰此何時尙循例耶吾雖量移此地猶吾赤子也開倉振之上饒號難治積逋巨萬院司嚴征數歲中下囹圄者七人士儂知由寬猛失宜因請除苛繁與士民平情理處豁逃亡其無力者爲按期展緩於是皆踴躍輸將縣南百里有銅塘山南界福建浦城爲郡險要產銅鐵明正統中鄧茂七聚黨盜冶作亂亂平遂嚴冶禁閱二百年人跡罕到忽傳有匪匪上官檄遣員偵察無敢往者士儂裹糧徒步深入得其實預防之事遂寢縣向無科第爲修理學校躬自程課自是連雋鄉閭者七人乾隆元年行取入都授兵部主事歷武選車駕職方三司記

寧鄉縣志

故事編 先民傳十三 滿

五

名御史除柳州知府時父母年八十餘乞便道迎養特旨錫珍物先是士儂鄉舉之歲其兄士傑登進士第入翰林至是士傑亦擢太平知府一時傳爲佳話蒞任甫三月丁母憂歸旋膺父喪服闋補衢州府知府攝湖州署多陋規悉除之會浙中有尼菴命案甚詭祕株連者眾又鹽政紛紜事關賄賂皆聞諸朝遣使入浙窮治使者遴幹員檄士儂鞠之事多平反十二年六月授蘇松太兵備道未三月遷福建按察使具摺請訓批諭當竭盡一誠以汝之才何職不稱又曰閩省風俗不淳明刑弼教正宜加意士儂既抵任通延津民叛牽引數百名爲盡情研鞫釋無辜七十餘人期年晉布政使藩署胥吏多積弊建寧有爭產案通戶曹書吏截舊司印

文粘偽造府牘土橫立破其奸杜絕例款豪猾屏息屬吏請謁必兢兢以除弊興利爲訓吏治一清會病風疾得旨解任調理以十七年五月卒於家年六十疾革但呼國恩未報者再語不及私子

文銳字果亭安徽英山縣典史

舊志文銳撰行述

士伋字表海號松心之采孫雍正元年癸卯舉人知山西定襄縣清介明決調臨晉民攀援塞道性鯁直嫉邪不能款曲一語不合卽撫膺嘆曰男子以斌媚取容愧此鬚眉矣旋託疾歸後以舊事鐫三級補淞江今作松江婁縣主簿人咸爲惋惜士伋夷然就道上官知其廉直將破格保薦忽嬰病卒歸櫬之日匣中惟存詩數卷舊志

通志

寧鄉縣志

故事編

先民傳十二

清

上八

文鎬字西亭端孫候選州同知士儲子也方質有氣節少爲諸生貧甚賣卜長沙遂遊食四方爲人傭書久之納貲爲陝西咸寧縣丞習勞劇嘗以某事五日夜蹕一千五百里上官委勘鄰縣獄文鎬察其冤圖平反不獲命泣陳再四曰倘不實願同罪上官嘉其誠冤者得免旋陞知縣歷署膚施興平宜川藍田石泉等縣膚施有生員雜兵役縱博文鎬親捕生毆傷其顱卒手擒之獄將決文鎬念其母老待養乃曰誤傷耳輕遣之乾隆二十八年改省山東歷知博興堂邑歷城等縣以寬平得民心去博興時士民列狀請畱不得相與勒石紀政績三十一年治堂邑邑民廬被澇浸舟行自田文鎬履畝濬導陳災於上得賑款銀數萬兩其捕蝗無遺種

置倉廩便漕者尤爲民所思又爲鄰邑博平塞堤口集料至五十萬束水用不擾在歷城時清積獄至無訟可聽報最陞兗州同知淮南盜久不獲朝令東省協緝文鎬奉檄偵跡未一月獲其黨數人陞鎮安府知府護桂平梧鬱道鎮安處廣西邊境多煙瘴民情強悍土州尤甚文鎬率屬導以仁義期年百姓協和風氣丕變尤寬商力恤民徭以勞致疾告病歸卒於零陵舟次文鎬貧時嘗自推命官當至四品卒以才能躋監司

陶氏譜訪冊

章淦字鐵崖文鎬長子幼奇穎讀書寓目不忘稍長隨文鎬官陝西有幹才文鎬當以要公出塞遣章淦代行單騎走數千里勿憚修阻其事亦措置裕如後入貲捐同知發浙江權紹興篆以母憂

寧鄉縣志

故事編

先民傳十三

清

七

奔喪鎮安父又卒章淦扶柩歸居喪哀毀庶母弟章泗章瀉均幼弱愛護倍至服闋攜兩弟赴浙躬自督課及奉檄承修海塘故例承其役者當具限保十三年毀則有譴章淦朝夕在工工久不竣乃遣兩弟歸應試臨別曰吾豈忍弟遠離哉顧一官爲累已深先人創業難弟不可併累其析產鄉居便後工畢逾期久完好如故惟以工堅費特繁公款不繼遂鬻所析田產償之攝慶元縣前任以讞案被嫌將干吏議章淦理其事爲分咎或諷其趨避則曰責全歸一人官不保矣由是前任得免議除寧波同知歷權杭州紹興嚴州湖州等府同知所至勤謹慈惠浙撫瑯玕旗人保舉人才以章淦薦俄卒於官貧不能歸喪友朋賻卹乃具舟焉

其弟章瀉爲夫丁善慶爲

之子九鴻紳字舉亭官江西義寧州八疊嶺巡檢鴻翬字雲巢署

山西平陽府經歷垣曲夏等縣典史鴻翔廩生

陶氏譜

章泗字魯人文鎬三子幼孤兄章淦教督成立十歲能文及長學益進入貲爲太學生五應鄉試不售乃棄舉業專爲詩每脫毫字句偶同古人者輒焚之與弟章瀉相師友兄卒官諸姪貧甚章泗時其飢寒餽問不絕年三十援例捐知縣謁選京師故事皇帝嗣位必相地治陵承役者每因以爲利兄友慎某旗人督治仁宗陵召章泗佐其役章泗請任文書事後員司有以浮冒論罪者人服其善自處當獄興時冊籍紛煩連日不得理章泗爲察核條復之慎某稱其才將論薦俄以疾卒於易州半壁店年三十七好施濟親

寧鄉縣志

故事編

先民傳十三

清

八

友告乏必應貧不能償者焚其券章瀉歸其喪子鴻東歷任山東

長清利津等縣縣丞舉卓異加理問銜

新城陳凡光撰墓誌
章瀉撰行狀

章瀉字季壽文鎬四子初隨兄章淦讀書浙中及歸詩文益進傲睨一切顧不利於試納貲以鹽大使發浙江墨墨不自得權下沙場篆陞知縣改發山西署石樓以勤績調崞縣復遷鳳臺先是縣中能詩者多沿鍾譚習派章瀉獨取法蘇黃自是寧鄉詩派一變所至名士爭相結納居京師時與秦瀛法式善唱和性豪邁不善治生交日廣名益起而境益困卒年四十六妻兄江西李部郎秉禮刊其遺藁新化鄧顯鶴跋鄧顯鶴言其詩凡三變初學陶謝繼守唐代張賈格律晚變爲汪洋恣肆奇峭挺拔之作論者以爲知

言章瀉會遊桂林主秉禮之韋廬與會檣楊祖桂吳尊萊高密李
慎民石桐憲臨清朱依真等以道義相切劘暇則聯吟彙爲一卷
秉禮命曰八家吟侶集尊萊序之於章瀉尤推崇云又於其地劉
仙崖風洞山榕樹樓棲霞寺諸勝畱連嘯歌徐復園畫圖以誌凡
八幅章瀉各撰記入之書法尤工同縣易清照分致題詠章泗女
夫道州何紹基乞得四幅題跋弄之跋曰季壽叔外舅桂林遊記
凡八幅皆徐復園畫易布衣
无咎有詩爲舅兄子立所珍處余乞之不可則強分其四千立後
於山左官所兵火之餘先人手澤不知尚無恙否而此八幅竟無
由合併矣
按子立爲章瀉兄子清照有傳
瀉東字章瀉無嗣瀉東兼祧之
瀉家傳
陶章輩撰章
李秉禮鄧

瀉瀉撰嘉
明章詩序

世清字廉泉一字紺庵瀉東子章瀉從孫也隨官濟南入貲爲縣

寧鄉縣志

故事編 先民傳十二 清

九

丞選浙江烏程縣改山東歷城時山東寇方熾同官爭應時變或
徼顯官世清循分供職久之始以河工勞績敘知縣以同知陞用
歷署蒙陰蘭山范縣知縣暨濟寧直隸州知州所至皆盜藪世清
務以德化嘗率胥吏持牛酒勞田父勸誡子弟毋犯罪相親如家
人父子光緒中除荷澤適縣西洋教士侮民興大獄或授意袒教
士世清曰是奚足以服人心吾寧與民同患難爲伸其枉卒罷職
去官之日百姓遮道奉尊酒有泣下者世清工詩善書服官四十
年未嘗廢學卒年六十有二子美中字蘊伯以太學生挑選國史
館膳錄議敘州同捐陞知縣署河南葉縣美濟字玉耕亦能詩文
工篆隸署江蘇上元知縣

陶鑄
堯述

美溢字栗村居二都八世祖承學及長子煒皆諸生煒於明末隨邱存忠殉難季子炯幼逃鄰縣僧寺及長乃歸見陶之美溢父世臣炯後也少以目疾廢讀務農族黨稱君子三子兩習農美溢讀書入學爲學務深思闡河洛義蘊甚精詳嘗言性原於天見於情實寓於心性無不善故心無不良孟子言存心蓋以人與物接其間是非利害生死榮辱與心相感觸操持稍疏此心乃逐物而不知何往本心一失性亦因之而遷所以心雖良必常存而後不失其良性雖善必善養而後克全其善又以大學毋自欺語作座右銘父嚴家法每秋穫諸子勞役兼旬不得息美溢負笈於外必歸分艱苦父老病瘠有所需頤使目求美溢能默體其意日夜承奉

寧鄉縣志

故事編

先民傳十二

清

十

無倦容父母沒或言葬地患水蟻遷葬至再得吉壤乃安每言以親體謀富貴固非若安體魄則人子應爲之事與兄弟析產倡存祭田每祭先輒與子姪述先人舊德兄弟遷居暇則往談或竟日依依不忍歸待人無城府人有過失輒面責言婉而意深子忠靖字光嵐諸生曾充湖南陸軍小學教員以母老躬耕孝養不間時變晚鬻髮爲僧曰海光棲衡嶽華嚴寺兩年再遊粵東圓寂後寧僧歸其骸葬瀉山

美溢撰父世臣行畧忠靖撰父美溢行述

忠璞字琢成居四都嗜學力行道光季年縣中盜賊充斥忠璞倡練鄉勇嚴查戶口閭里晏然鄉人爭訟嘗就忠璞決曲直必竭誠開諭不馴者據理直斥人無怨言事祖父母父母先意承志祖父

沒風雪中廬墓月餘母沒時年逾六十猶哀毀家甚窘喪葬獨任之不以責兄弟兄弟析產讓腴取瘠有借其良馬者日行數百里致斃或爲之惜忠璞曰車馬與共昔賢志也吾何憾哉同治初將從戎束裝至桐廬疫癘大作忠璞恐貽父母憂乃返及登舟同行者皆病腥穢不可近他人輒避去忠璞爲侍湯藥調食飲其誠篤任恤類此育嬰社倉祠墓諸義舉力所能者竭爲之嘗言天下事惟義所在當勇往直前若必計利害顧身家諸事不可爲矣季弟寶艱將鬻田宅忠璞慨然罄貲屋貲百金並勸諸弟合貲畀之俾全其業遺子從名師節縮衣食以厚脩脯子甄有傳

廖基核撰傳

甄字雨畊少工制舉文困有司試游幕關隴湘鄉潘效蘇牧和闡

寧鄉縣志

故事編

先民傳十三 清

十一

招甄往以邊防案保縣丞新疆巡撫陶模移督陝甘適西寧回民復叛調效蘇入關勦撫甄以參贊帷幄功擢知縣歸新疆候補加同知銜陶模以回民新撫慮復生變令甄解三千人往羅布淖爾安置沙漠數千里與同艱苦回民感之無一逃者後效蘇巡撫新疆奏請設縣治委甄履勘南路疆界於山川形勢審度周備哈什道袁□□字敬生以州縣向有羨餘擬限以定制徵爲正供甄力言其不可曰羨餘固弊政若明令徵收是縱貪也彼貪贖之官羨餘之外復收羨餘民苦不益深耶議遂寢伊犁將軍以甄辦軍需有功保升直隸州知州賞戴花翎旋署洛浦知縣甄在新疆久澈民情下車卽力除弊政回俗好訟甄一訊卽結案無兩牘不一年回

民大化無敢訟者洛浦向以金課地久廢而課不能免又有歷年
荒田無人耕種而科升之稅無所出勒派鄰近之戶攤完民不能
堪甄詳請大府一并蠲免民大悅欽使志銳巡閱南路稱爲新疆
第一能員光緒丙午乞養歸卒年八十六

廖基棟
撰家傳

寧鄉縣誌

故事編第十先民傳

清

平岡周氏和溥碩勳在熾傳十四

周和溥字仲宣號南園二都平岡周氏明戶部尙書堪賡之孫舉人鉉之子也兄中溥字伯端幼鞠於大母善屬文工書篆精音樂年十七補弟子員二十三死於匪和溥年十三隸縣學旋食餼既貢成均考授官學教習改官黃州府訓導居京時王公貴人以國士目之及遊金陵與葉林屋周櫟園方爾止黃俞邵輩以詩文相贈答癸丑滇藩之亂聞湖南寇警請假南旋七八年中栖止靡定

寧鄉縣誌

故事編 先民傳十四 清

遂絕意仕進著有南園集善書刻有淩青堂帖行世子六人振樞楷樞皆縣學生扶樞字梧亭湖北蘄水縣訓導拔樞字黼亭廩貢生康熙五十九年補沅江縣訓導沅江訓導雍正九年裁雍正九年調補辰

谿縣訓導舊志

敬溥和溥弟字叔莊號西圃少以第一名入縣學當道辟之辭曰老母在未敢以身許也康熙己未復奉安親王岳樂辟題授州同終以不得志於時而歸與兄和溥發憤載籍著有作求堂詩文集季弟智溥字季亮縣學生性整潔衣服几席無纖垢好寫佛經詩文多禪語病瘵早沒遺著燬於火僅存煙揮草一卷敬溥子八人挺樞字子直候選縣丞事親篤摯有膽識讀書求實用佃有鬻婦

者捐租拯之挹樞字涵源年十六入縣學嘯傲山水詩多性靈兼
治醫卜星相撰樞縣學生掄樞字遶九母郭氏曉書史課讀甚嚴
爲文好奇險自遊張鳴珂門飲聞程朱之學乃斂才就範年二十
補縣學生旋食餼雍正甲辰湖南始分闈以治詩經中亞元揀選

知縣

舊志
周譜

京勳字聲東

舊志誤
作東聲

扶樞子雍正丁未優貢以知縣發貴州辦

疆軍務權貴筑知縣甫三月父訃至悲痛幾絕奔喪無資斧大府
知其廉資助之兼程歸里伏棺哀號達旦不兩月以毀殉年三十
三子在隆廩生在陞縣學生從弟黼勳字藻亭府學增生其父揆
樞究心醫學不事生產故家計日薄黼勳安貧力學訓兩子恂恂

寧鄉縣志

故事編

先民傳十四

清

二

退讓嘗構別墅湘潭翰林劉元熙顏其堂曰謙恕

舊志

公勳字衣衮號朗亭挺樞子乾隆元年恩貢事親孝謹聞警歎卽
趨侍雖有疾不倦與物無競寡言語然見不義則嚴詞責之弟碩
勳將之官告之曰弟以仕顯親養親我職也子在圖字震五以副
貢中雍正丙午科舉人署山東濟南府經歷膠州鹽大使乾隆戊
辰山東浔饑在圖奉檄治禹城賑務多全活大吏下其法於通省
調益昌

益昌在四川已廢疑
昌邑或益都之誤

庫大使五年俸滿註上考陞授利津

知縣受事五月以母病告終養母沒以毀卒

舊志

碩勳字元復號容齋挺樞次子康熙庚子湖廣鄉試舉人會試不
第以知縣發浙江鹽場歷任仁和三江場務條陳鹽政十事總督

李衛採納通行補直隸曲周知縣調青縣青民種旗地者苦莊頭滋弊多失業碩勳力革之民得以安縣罹蝗災城河且漫溢春荒捐俸設粥廠以濟旋請帑修築城東興濟河城河老濞沱河及廣福樓張洪橋各處隄防又疏濬城西南北之黑龍港老濞河子牙新河水患以除乾隆八年陞授北運河務關同知碩勳固習孫承澤畿輔水道一書承澤號北海益都人著河紀二卷紀黃河遠凡從始末兼及畿輔水利見四庫全書存目勘驗河務輒繪圖著說河督多採之條奏又修復白河書院公暇進諸生講學計典膺保薦擢廣東廉州府知府廉屬多沃壤不諳灌溉之利碩勳倣寧鄉龍骨車式圖示民間飭州縣促墾得水田四千餘畝海洋刦案疊出積十餘年未破碩勳嚴防緝明賞罰渠

寧鄉縣志

故事編

先民傳十四

清

魁以次就誅海上晏然府西南有還珠書院廢址捐廉倡復易名曰海門廉故海門鎮也在廉五年治積懋著遷潮州府至則除衙蠹以息爭訟倡社倉以裕民食倣前賢遺規輯條例頒發各族以勵風俗又以潮州爲眾水匯歸之地每伏秋水漲田廬漂沒自乾隆十一年請帑築隄未成碩勳乃督海陽知縣補築一萬五千三百餘丈而城南三利溪創自宋世爲海潮揭三縣水利淤澱歷四十年分募民夫疏濬之又重建龍湖書院並修郡城韓山書院手訂程課在潮復五年舉卓異己卯引見賜珍物有差回任兼署惠潮嘉道閱二年以潮陽縣鄭氏獄按察使袒之元兇且逸碩勳曰是不足以服民心也官可去案不可易力爭不得直竟呈議歸潮

人爲立生祠於鳳凰洲碩勳歷官三十餘年圖史外無長物於九邊阨要沿海關隘兵防屯田漕運諸大政及歷代治忽興衰之故每晨起披覽至夜分不倦所至勸農興學修水利率屬杜苞苴懲猾吏鋤豪強一本於愛民歸里後布衣疏食以正誼率鄉人年七十五夜夢至一宮院多奇花異卉一翁前揖曰爲公守此兩載矣踰月卒嘉慶戊辰入祀鄉賢子在霽在霽在霽字沛蒼讀書過目成誦長益肆力於經史百家顧僅入學納貲爲山東官臺場鹽大使調雒口批驗所大使陞博平知縣以清慎勤自勵在霽字次璘縣學廩生生長官署遇鄉里長者恂恂執弟子禮年三十九沒在霽官河南睢州州判霽馳書曰吾父居官數十年以實心行

寧鄉縣誌

故事編 先民傳十四 清

四

實政故所至得民心吾兄弟勉之在霽子錫葵諸生

杜志 通志 王坦修 撰家

傳年譜 楊演時 撰潮州生祠碑記

鉢勳字雲臺諸生工駢文嘉慶辛酉以禹碑詩受知督學使者獲選拔遊吳粵屢主書院講席壬申祁陽知縣萬在衡聘修祁陽縣志居梧州十二年歸主講玉潭書院卒年七十著有活雲廬詩罕公燕筆等集書法學山谷弟子以文行著者爲馬維藩潘世珩卒後世珩搜其遺藁乞鄧顯鶴校訂會顯鶴于役長沙貯藁於篋半齒於嚙亟以所餘編入沅湘耆舊集子在廉字豹臣諸生入監考授七品小京官好書畫金石詩文有父風

舊志

瑯勳字聲陞兄琪勳至勳偉勳皆諸生瑯勳性穎異強記工制藝

從父某早逝家甚裕遺孤三人皆幼瑯勳內外摺拄有戚某覬覦其財一日遇諸孤燕集酒酣戚佯醉語侵瑯勳瑯勳從容出示簿籍無纖毫淆混滿座歎服生平勇於爲義不求人知著有雅園瑣言藏於家子五長在官次在京四在武五在章皆諸生三在熾自有傳

舊志 羅典撰家傳

在熾字而昌學者稱平山先生舉乾隆壬午鄉試七試禮部不第三十七年壬辰挑選教職署辰谿教諭捐俸倡修學宮補乾州廳學正集生徒講學廡舍不能容捐俸購地建屋數楹居之乾士拔貢始姚琦在熾所教也及卒士多哭失聲在熾篤學博聞所著詠史樂府嘉定錢大昕至稱之新化鄧顯鶴亦謂可嗣響西涯復採

寧鄉縣志

故事編

先民傳十四

清

五

入沅湘耆舊集子錫琮錫琳錫琬皆入學錫琳繩趨尺步文清簡如其人三子錫瑜有傳錫琬子洛潢通志字葦陔道光元年歲貢記誦淵博文慕昌黎選東安訓導未赴卒年八十六

舊志 錢大昕撰平山堂

樂府序

錫瑜字采亭在熾子少以孝稱未冠補縣學生遊學嶽麓澈浦嚴如煜才氣陵轍俯視諸子獨傾倒錫瑜以文行相砥礪乾隆己酉學使錢澧選充拔貢生朝考用直隸州州判以母老改教職歷主仰高嶽屏諸書院湘陰張學尹出其門嘉道間湖南名士也錫瑜掌教縣中玉潭書院與知縣王餘英之父詩酒往還而未嘗語及私卒年七十三學尹子自牧傳之喜爲詩稿多佚門弟子所哀輯